

Bosna i Hercegovina  
Federacija Bosne i Hercegovine  
Hercegovačko-neretvanski kanton  
**JZU „DOM ZDRAVLJA“ JABLANICA**

**Broj:1067/24**

Jablanica, 16.07.2024.godine

Na osnovu člana 68. stav 1. Zakona o zdravstvenoj zaštiti ("Sl. novine FBiH", broj:46/10), člana 20. Statuta Javne zdravstvene ustanove „Dom zdravlja“ Jablanica broj:UO-17/15, člana 100. stav (3) Zakona o javnim nabavkama Bosne i Hercegovine («Sl. glasnik BiH», broj: 39/14, 59/22), rješavajući po žalbi „GLOBAL LOGISTIK“ d.o.o. Banja Luka zastupano po punomoćniku Vladimiru Dragičeviću advokatu iz Banja Luke, izjavljenu na tendersku dokumentaciju u postupku Konkurentski zahtjev za dostavu ponuda za nabavku roba – nabavka klima uređaja ponuđača/kandidata, broj Obavještenja o nabavci 1041-7-1-17-3-11/24 od 02.07.2024.godine, Direktor JZU „Dom zdravlja“ Jablanica *d o n o s i*

**O D L U K U**  
**o izmjeni tenderske dokumentacije i nastavku postupka**

**I**

**USVAJA SE** žalba „GLOBAL LOGISTIK“ d.o.o. Banja Luka, zastupanog po Vladimiru Dragičeviću, advokatu iz Banja Luke od 09.07.2024.godine, zaprimljena od strane ugovornog organa dana 11.07.2024.godine, izjavljena na tendersku dokumentaciju javne nabavke roba “ Nabavka klima uređaja“ putem konkurentskog postupka, broj:09/24, broj Obavještenja o nabavci 1041-7-1-17-3-11/24 od 02.07.2024.godine.

**II**

Vrši se izmjena tenderske dokumentacije broj:09/24, na sljedeći način

- α)* U tački 2.7.2. Tenderske dokumentacije broj „1%“ **zamjenjuje se** brojem „**0,02 %**“.
- β)* Tačka 3.1.2 Tenderske dokumentacije **mijenja se i glasi:**
- 3.1.2. *Ugovorni organ može na period od 12 mjeseci isključiti iz učešća u postupku nabavke kandidata/ponuđača koji se nađe u bilo kojoj od sljedećih situacija:*
- a) ako ima dokaz da je kandidat/ponuđač sklopio sporazum s drugim kandidatom/ponuđačem kojima je cilj narušavanje tržišne konkurencije;*
  - b) ako ugovorni organ može dokazati odgovarajućim dokaznim sredstvima da je ponuđač kriv za teški profesionalni propust koji dovodi u pitanje njegov integritet;*
  - c) ako se utvrde značajni nedostaci tokom provedbe prethodnog javnog ugovora ili prethodnog ugovora sa sektorskim ugovornim organom čija je posljedica bila prijevremeni raskid tog prethodnog ugovora, naknada štete ili druga slična sankcija;*
  - d) ako je kandidat/ponuđač lažno prikazao činjenice pri dostavljanju podataka potrebnih za provjeru kvalifikacijskih i/ili kriterija za dodjelu ugovora, ako je prikrrio takve informacije ili nije u stanju priložiti popratne dokumente;*
  - e) ako se sukob interesa u smislu člana 52. ovog Zakona ne može ukloniti drugim, manje drastičnim mjerama.*
- χ)* U tački 3.1.4. **BRIŠE SE** zadnja rečenica koja glasi „Ugovorni organ može diskvalifikovati ponuđača iz ovog postupka javne nabavke ukoliko može dokazati da je ponuđač bio kriv za ozbiljan profesionalni prekršaj u posljednje tri godine.“
- δ)* Tačka 3.3.1. Tenderske dokumentacije **mijenja se i glasi:**
- 3.3.1. *U skladu sa članom 47. Zakona, ponuđač je dužan ispuniti minimalne uslove u pogledu ekonomske i finansijske sposobnosti i to:*
- *Ponuđač je, u svrhu dokazivanja ekonomske i finansijske sposobnosti, dužan dokazati da je transakcijski bankovni račun ponuđača aktivan.*
- ε)* U tački 3.3.2. alineja pod a) **mijenja se i glasi:**
- a) Odgovarajući dokument/dokaz koji izdaje banka ponuđača ili druga finansijska institucija (npr. Centralna banka BIH), u skladu s pozitivnim propisima, a kojim se dokazuje ispunjenje uslova da je transakcijski bankarski račun ponuđača aktivan.*
- φ)* U obrascu Ovlaštenje za zastupanje i učešće na javnom otvaranju ponuda koji se nalazi u prilogu TD riječi „nabavka peleta u 2024-oj godini“ zamjenjuju se riječima „**nabavka klima uređaja**“.

**III**

Ostali uslovi iz tenderske dokumentacije ostaju nepromjenjeni.

#### IV

**Usvaja se zahtjev** žalitelja „GLOBAL LOGISTIK“d.o.o. Banja Luka zastupano po punomoćniku Vladimiru Dragičeviću advokatu iz Banja Luke, za naknadu troškova postupka koji se sastoje od troškova za sastav predmetne žalbe u ukupnom iznosu od 562,50 KM (450,00 KM za sastav žalbe i 112,50 KM paušalne nagrade) uplatom na transakcijski račun punomoćnika otvoren kod NLB banke d.d. Banja Luka broj: 5620998170725751 u roku od 7 (sedam) dana po pravosnažnosti ove Odluke.

#### V

Ugovorni organ će izmjenama obavijestiti sve potencijalne učesnike u postupku na portalu javnih nabavki, te će ova Odluka biti objavljeno na web stranici ugovornog organa.

#### VI

**Nastavlja se** postupak javne nabavke Nabavka klima uređaja za potrebe JZU „Dom zdravlja“ Jablanica, putem konkurentskog postupka, broj:09/24, broj Obavještenja o nabavci 1041-7-1-17-3-11/24 od 02.07.2024.godine.

#### VII

Rok za dostavljanje ponuda produžava se do **22.07.2024. godine do 13,00 sati.**

Ponude se otvaraju dana 22.07.2024. godine u 13,30 sati u prostorijama Javne zdravstvene ustanove „DOM ZDRAVLJA“ JABLANICA, ul. Sulje Čilića br.22, Jablanica, u prisustvu dobavljača koji žele prisustvovati. Ponuđači koji budu prisustvovali otvaranju ponuda moraju dostaviti punomoć ponuđača da mogu istom prisustvovati.

#### VIII

Odluka stupa na snagu danom donošenja.

### O b r a z l o ž e n j e

U skladu sa Planom javnih nabavki JZU „Dom zdravlja“ Jablanica za 2024. godinu i Odluke o pokretanju postupka nabavke broj: 938/24 od 01.07.2024.godine, odobreno je pokretanje postupka javne nabavke roba po konkurentskom zahtjevu za dostavljanje ponuda broj:09-24 – „Nabavka klima uređaja. Obavještenje o nabavci broj: 1041-7-1-17-3-11/24 objavljeno je na Portalu javnih nabavki dana 02.07.2024.godine kao i sažetak obavještenja.

Ugovorni organ je dana 11.07.2024.godine, zaprimio žalbu izjavljenu od strane žalba „GLOBAL LOGISTIK“d.o.o. Banja Luka, zastupanog po Vladimiru Dragičeviću, advokatu iz Banja Luke od 09.07.2024. godine. Obzirom da prema odredbama člana 110. Zakona o javnim nabavkama izjavljena žalba odgađa nastavak postupka javne nabavke do donošenja odluke/rješenja po žalbi, Ugovorni organ je donio Odluku o obustavi postupka javne nabavke broj: 1057/24 od 12.07.2024. godine.

Prilikom ispitivanja žalbe Ugovorni organ je ustanovio da je žalba blagovremena, dopuštena i izjavljena od ovlaštenog lica.

Žalitelj u predmetnoj žalbi navodi da tenderska dokumentacija nije pripremljena u skladu sa Zakonom o javnim nabavkama i Uputstvom o pripremi modela TD i ponuda, a u dijelu koji se odnosi na visinu ugovorene kazne u slučaju kašnjenja u isporuci roba, u dijelu koji se odnosi na razloge za isključenje ponuđača iz postupka, te na uslove ekonomsko-finansijske sposobnosti ponuđača.

Nakon pažljivog uvida u predmetnu žalbu i objavljenu tendersku dokumentaciju ugovorni organ je utvrdio osnovanost žalbenih navoda, te je predmetnu žalbu valjalo usvojiti i shodno tome izvršiti izmjene tenderske dokumentacije na način kako je to navedeno u tački II ove Odluke. Na osnovu tako utvrđenog činjeničnog stanja tačkom II ove Odluke izvršena je izmjena tenderske dokumentacije koja će biti objavljena na portalu javnih nabavki i web stranici ugovornog organa. Ostali uslovi iz TD ostaju nepromjenjeni.

Žalitelj predmetnom žalbom zahtijeva naknadu troškova sastava žalbe u iznosu od 562,50 KM. Članom 105. Zakona o upravnom postupku (Službeni glasnik Bosne i Hercegovine, broj: 29/02, 12/04, 93/09 i 53/16) propisano je, kad u postupku učestvuju dvije ili više stranaka sa suprotnim interesima, stranka koja je izazvala postupak, a na čiju je štetu postupak okončan, dužna je protivnoj stranci nadoknaditi opravdane troškove koji su toj stranci nastali učestvovanjem u postupku. S obzirom na naprijed izneseno, da je žalba žalitelja usvojena kao osnovana, to se u predmetnom postupku utvrđuje osnovanost zahtjeva žalitelja za naknadu advokatskih troškova koji se odnose na troškove žalbenog postupka, odnosno sastava žalbe. Usvaja se zahtjev žalitelja za naknadu troškova žalbenog postupka koji se sastoje od troškova sastav žalbe po punomoćniku/advokatu, u iznosu od 562,50 KM koji se sastoje od troškova sastava žalbe po advokatu u iznosu od 450,00 KM, paušal od 25% u iznosu od 112,50 KM. Navedeno je u skladu sa stavom Suda BiH iznesenim u presudi broj: S 1 3 U 023495 16 U od 16.03.2018. godine i potvrđeno u presudi Apelacijskog upravnog vijeća Suda BiH broj: S 1 3 U 023495 18 Uvp i presudi broj: SI 3 U 03105919 U od

23.04.2020. godine. U skladu sa naprijed izloženim, osnovan je zahtjev žalitelja za naknadu advokatskih troškova na ime advokatskog zastupanja, odnosno sastava žalbe, prema članu 2. Tarifni broj 3. i Tarifni broj 12. Tarife o nagradama i naknadi troškova za rad advokata Republike Srpske, na način da se advokatu, kao zastupniku žaliooca priznaju troškovi utvrđeni na način primjenom odredbi člana 2. Tarifni broj 3 i Tarifni broj 12. Tarife o nagradama i naknadi troškova za rad advokata Republike Srpske.

Obzirom da je ugovorni organ podnesenu žalbu usvojio to se nalazi da su ispunjeni zakonom predviđeni uslovi za nastavak predmetnog postupka javne nabavke, te je u skladu sa navedenim, riješeno o nastavku postupka javne nabavke.

Cijeneći navedeno odlučeno je kao u dispozitivu.

**Pouka o pravnom lijeku:** Svaki ponuđač koji ima legitiman interes za konkretan ugovor o javnoj nabavci i koji smatra da je Ugovorni organ u toku konkretnog postupka prekršio jednu ili više odredbi Zakona o javnim nabavkama i/ili podzakonskih akata ima pravo uložiti žalbu u roku od 5 (pet) dana od dana prijema ove odluke.

Žalba se izjavljuje Kancelariji za razmatranje žalbi Bosne i Hercegovine, putem ugovornog organa u pisanoj formi direktno, elektronskim putem ili preporučenom poštanskom pošiljkom na adresu ugovornog organa.

Dostaviti:

- svim ponuđačima
- Komisiji za nabavke
- a/a

ZA UGOVORNI ORGAN  
**D I R E K T O R**

**Budim-Hondo dr Alma,**  
spec.ginekologije i akušerstva